

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র এশিয়া অঞ্চলের সহকারী প্রশাসক নিশা দেশাই বিসওয়াল ঢাকায় আসছেন

ঢাকা, ৯ই নভেম্বর -- যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র এশিয়া অঞ্চলের নতুন সহকারী প্রশাসক নিশা দেশাই বিসওয়াল চার দিনের সফরে কাল ঢাকায় আসছেন। ‘ইউএসএআইডি’-র নবনিযুক্ত সহকারী প্রশাসক হিসেবে বাংলাদেশে এটিই তার প্রথম সফর। এ দেশে সফরকালে বিসওয়াল প্রধানমন্ত্রী শেখ হাসিনা ও বাংলাদেশ সরকারের অন্যান্য মন্ত্রীবর্গের সাথে সাক্ষাৎ করবেন। এছাড়াও তিনি ‘ইউএসএআইডি’-র নির্দিষ্ট কয়েকটি উন্নয়ন প্রকল্প পরিদর্শন করবেন।

সহকারী প্রশাসক বিসওয়াল পাকিস্তান ও আফগানিস্তান বাদে এশিয়ার ২০টি দেশে ইউএসএআইডি-র উন্নয়ন কর্মসূচী পরিচালনার দায়িত্বে আছেন। পৃথিবীর এই ভূখণ্ডে বিশ্বের অর্ধেকের বেশী জনসংখ্যার বাস এবং এখানে ‘ইউএসএআইডি’-র ২০১০ অর্থবছরের কর্মসূচীর বাজেট নির্ধারণ করা হয়েছে ১শ' ১৭ কোটি ডলারেরও বেশী। বর্তমান পদে যোগ দেয়ার আগে নিশা বিসওয়াল যুক্তরাষ্ট্র কংগ্রেস, ‘ইউএসএআইডি’, যুক্তরাষ্ট্র পররাষ্ট্র দফতর, ‘ইন্টারআকশন’ এবং আমেরিকান রেডক্রস-এর মতো বিভিন্ন প্রতিষ্ঠানের ওয়াশিংটন ও অন্যান্য দেশের দফতরে ‘পলিসি অ্যাডভোকেসি’ ও বাজেট সংস্কারসহ বিভিন্ন পদে দায়িত্ব পালন করেন।

যুক্তরাষ্ট্র সরকার ‘ইউএসএআইডি’র মাধ্যমে বাংলাদেশের মানুষ বিশেষত হতদরিদ্রদের জীবনমান উন্নয়নে কাজ করে যাচ্ছে। ‘ইউএসএআইডি’ বাংলাদেশে পাঁচটি বৃহত্তর ক্ষেত্রে কর্মসূচি পরিচালনা করছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনের জন্য সহায়তা, খাদ্য নিরাপত্তা বৃক্ষি এবং দুর্যোগ মোকাবেলা ও প্রাকৃতিক দুর্যোগ পরবর্তী জরুরি সহায়তা। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত ৫শ' কোটি ডলারেরও বেশি সহায়তা প্রদান করেছে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্লাক্স: ৯৮৮৫৬৮৮; ই-মেইল:

[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।